

Javno preduzeće «**RADIO TELEVIZIJA ZENICA**»
društvo sa ograničenom odgovornošću ZENICA
UPRAVA DRUŠTVA
Broj: 1160/24

Zenica, 27.12.2024. godine

Na osnovu člana 20a. Zakona o radu („Službene novine Federacije BiH“ broj: 26/16, 89/18, 44/22 i 39/24) i člana 4. Pravilnika o radu JP «RTV ZENICA» d.o.o. ZENICA (broj: 965/22), te Odluke o potrebi prijema radnika u radni odnos na određeno vrijeme, broj: 1102/24 od 12.12.2024. godine, a u skladu sa Uredbom o postupku prijema u radni odnos u javnom sektoru u Zeničko – dobojskom kantonu („Službene novine Zeničko-dobojskog kantona“, broj: 02/24) i Saglasnosti Grada Zenica, broj: 02-45-23305/24 od 11.12.2024. godine, direktor Javnog preduzeća «**RADIO TELEVIZIJA ZENICA**» društvo sa ograničenom odgovornošću ZENICA, raspisuje

JAVNI OGLAS

za prijem radnika u radni odnos na određeno vrijeme na radno mjesto **Marketing planer**

I

Javno preduzeće «**RADIO TELEVIZIJA ZENICA**» društvo sa ograničenom odgovornošću ZENICA raspisuje Javni oglas za prijem radnika u radni odnos na određeno vrijeme, na period od 12 mjeseci, puno radno vrijeme, na radno mjesto „**04-II Marketing planer**“ u organizacionoj jedinici „2. Organizaciona jedinica za administrativno tehničku podršku u radu Uprave“ – **1 izvršilac**.

II

Opis poslova radnog mjesta „**04-II Marketing planer**“ iz člana I. Javnog oglasa glasi:
usredsređen obavljanju poslova iz osnovne djelatnosti Društva, svakodnevno koordinira rad sa direktorom Društva i Glavnim i odgovornim urednikom, priprema i predlaže višegodišnje, godišnje i mjesečne marketing planove i odgovoran je za kompletnu realizaciju istih, učestvuje i kreiranju i izradi cjenovnika, sa direktorom Društva, razvija strategije marketinga i prodaje marketinškog vremena, ugovara i izrađuje agencijske ugovore i ugovore s direktnim oglašivačima, saraduje sa programskim radnicima i tehničkom službom prilikom realizacije marketing programa, priprema planove ponude marketinga i predlaže projekte i uključivanje u programske projekte, aktivno učestvuje u izradi višegodišnjih, godišnjih i mjesečnih marketing planova, plasira i prodaje marketinški sadržaj putem direktnih kontakata s oglašivačima i posredstvom marketinških agencija, ugovara i izrađuje agencijske ugovore i ugovore s direktnim oglašivačima, aktivno sudjeluje u kreiranju programske ponude (TV, radio, multimedija), učestvuje u pripremi i izradi cjenovnika usluga oglašavanja i sponzorstva, istražuje i realizuje media planiranje, obavlja korespondenciju s agencijama za istraživanje gledanosti i slušanosti programa, aktivno sudjeluje u kreiranju programske ponude (TV, radio, multimedija), predlaže direktoru Društva, ali i samostalno dogovara realizacije reklamnih kampanja na sve tri platforme i odgovara za realizaciju istih, prati realizaciju ugovora, stara se o naplati potraživanja, vrši analize eksternih i internih podataka vezanih za marketinško poslovanje, aktivno sudjeluje u predstavljanju i zastupanju interesa u domaćim i međunarodnim organizacijama (Udruženja medijske i oglašivačke industrije: UMI, IAA, EGTA) i za svoj rad odgovara direktoru Društva.

Osnovna plaća radnog mjesta iznosi: 925,00 KM.

III

Prijava na Javni oglas vrši se pisanom prijavom koja mora biti potpisana od strane kandidata.

Kandidati koji se prijavljuju na Javni oglas moraju da ispunjavaju opće i posebne uslove i to:

a) OPĆI USLOVI

- da je stariji od 18 godina,
- da je državljanin BiH i da ima prebivalište u BiH i
- da je zdravstveno sposoban za obavljanje poslova radnog mjesta na koje se prijavljuje (*dostavit će onaj kandidat koji bude izabran u roku od 15 dana od dana od dana zaprimanja obavještenja o njegovom izboru, odnosno okončanja oglasne procedure*).

b) POSEBNI USLOVI:

- Stepen obrazovanja: srednja stručna sprema (SSS), IV stepen stručne spreme,
- Naučna oblast/smjer: društvene nauke, tehničke nauke, druge naučne oblasti i
- Radno iskustvo: 3 godine nakon sticanja odgovarajućeg obrazovanja na istim ili sličnim poslovima.

IV

Prilikom prijave na Javni oglas kandidati su dužni dostaviti:

- 1) potpisanu prijavu na Oglas, koja obavezno sadrži: ime i prezime, adresu prebivališta, kontakt telefon i e - mail, naziv radnog mjesta iz Javnog oglasa na koje se podnosi prijava, spisak dokumentacije koja se prilaže uz prijavu, datum prijave, potpis kandidata,
- 2) uvjerenje o državljanstvu,
- 3) izvod iz matične knjige rođenih (rodni list),
- 4) potvrdu o prebivalištu – CIPS,
- 5) diplomu o završenom školovanju i
- 6) uvjerenje o radnom iskustvu.

V

Uz prijavu na Javni oglas, kandidati su dužni dostaviti dokumente o ispunjavanju opštih i posebnih uslova, original ili ovjerene fotokopije koje nisu starije od 6 (šest) mjeseci, osim za rodni list, računajući do dana objave Javnog oglasa.

Kandidati uz prijavu, osim potrebnih dokumenata, mogu dostaviti i druge dokumente koji mogu uticati na izbor kandidata.

Sa kandidatima koji budu ispunjavali formalno – pravne uslove (što dokazuju priloženom dokumentacijom), Komisija za izbor kandidata za prijem u radni odnos, obaviti će intervju.

Kandidati će o terminu i mjestu održavanja intervjua, biti obaviješteni dostavom skenirane obavijesti na e - mail adresu kandidata najmanje 5 (pet) dana prije održavanja intervjua, a ista obavijest biće postavljena i na web stranici, te Oglasnoj ploči Preduzeća.

Nakon održanog intervjua, Komisija, u skladu sa postignutim ocjenama na intervjuu, sastavlja Izvještaj i utvrđuje Listu uspješnih kandidata i iste dostavlja direktoru preduzeća.

Ako kandidat ne pristupi intervjuu u tačno zakazanom terminu i mjestu, smatrat će se da je odustao od daljnje oglasne procedure.

Za sva dodatna obavještenja možete se obratiti na telefon broj: 032/449 – 212.

VI

Neuredne, nepotpune i neblagovremen prijave, Komisija će odbaciti zaključkom koji se dostavlja na adresu podnosioca prijave.

Sa kandidatom koji bude primljen u radni odnos na prijavljeno radno mjesto, zaključit će se ugovor o radu na određeno vrijeme na period od 12 mjeseci, na puno radno vrijeme.

VII

Kandidati koji nisu izabrani na radno mjesto, bit će obaviješteni pisanim putem na adresu prebivališta o izboru kandidata za prijem u radni odnos, sa poukom o pravnom lijeku, najkasnije u roku od 5 (pet) dana od dana donošenja odluke o prijemu u radni odnos izabranog kandidata.

VIII

Obavijest o Javnom oglasu bit će objavljena u dnevnom listu „Dnevni avaz“, a integralni tekst Javnog oglasa bit će objavljen na internet stranici JP «RTV ZENICA» d.o.o. ZENICA, Grada Zenica i JU Služba za zapošljavanje Zeničko – dobojskog kantona.

Javni oglas ostaje otvoren osam (8) dana od dana posljednje objave.

Prijave sa potrebnom dokumentacijom, dostaviti u zatvorenoj koverti, preporučenom poštom sa povratnicom na adresu:

Javno preduzeće «**RADIO TELEVIZIJA ZENICA**»
društvo sa ograničenom odgovornošću ZENICA,
Bulevar Kralja Tvrtka I bb,
72000 Zenica
„**NE OTVARAJ – PRIJAVA NA JAVNI OGLAS**”

Neuredne, nepotpune i neblagovremeno pristigle prijave neće se uzeti u razmatranje.

Preduzeće nije obavezno vraćati dokumentaciju dostavljenu uz prijavu.

Kandidati koji ne budu pozvani na intervjuu odnosno kandidati koji nisu izabrani, mogu preuzeti svoju dokumentaciju u sjedištu preduzeća, uz predočenje lične karte.